

中國方志叢書·華南地方·第二三三號


據

民國·梁伯蔭修，羅克涵纂
民國十七年鉛印本

影印

福建省

沙縣志



成文出版社有限公司印行



10098567

75250/03

中國方志叢書·華南地方·第二三三號


據

民國·梁伯蔭修，羅克涵纂
民國十七年鉛印本

影印

福建省

沙縣志



成文出版社有限公司印行



10098568

SK50/23

中國方志叢書·華南地方·第二三三號

據


民國·梁伯蔭修，羅克涵纂
民國十七年鉛印本

影印

福建省

沙縣志

成文出版社有限公司印行



10098569

sk50/03

中華民國六十四年六月臺一版

沙縣志

全三冊


發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號





沙縣志卷之一

目錄

序文
凡例
職員表
目錄
圖考
緯候

本頁空白

增修沙縣志序

昔紫陽子守南臺雨下車卽詢郡志君子曰知務哉郡之與縣無以異也郡志之與縣志尤無以異也縣之有志猶國之有史凡政教之因革風俗之淳樸戶口之息耗人文之盛衰與夫一切山川形勢之宜利害險要之故胥於志乎在爲治者將於此覘消息焉然則一行作吏縣志謂非當務之急哉顧作之者不易而修之者亦難余以民國丁卯春由南平移篆沙邑卽有志於斯維時伏莽竊發出爲民患未遑顧及幸軍界黃團長章五張營長登三和衷共濟剿撫兼施不遺餘力匪患殄滅民以乂安乃以公牘餘閒延邑之縉紳而庭詢之始悉沙志自道光甲午年一修曠自今將及百年民國六年修全閩通志飭各道縣修舊志以備採入通志時曲令建寧奉飭卽延邑之文學士開局纂修聞以地方不靖軍事旁午數載未竣中道而止迄今又將十年嗚呼沙志之修何其難也且舊志刊板藏在梅岡書院爲過境駐軍所燬及今不修將文獻無徵雖有作者無從措手余既忝令斯邑將誰責耶因是惕然懼然起時邑之舊教習曾長翁子能輝與余具有同情乃延之商確使專任籌備期以四閱月歲事籌備甫就緒爰於戊辰八月一日開局延邑之縉子克涵翁子能輝官子嘉典林子鍾堯徐子鍾佐吳子贊虞

任纂修朝夕工作至十一月旬餘前後百餘日全部脫稿夫清代迄今百年而未修民七迄今十年修之而未成何其難也十旬而舉之又何其易也豈天意有待與抑人事未盡與故略叙顛末一以見修志之難一以爲斯志之幸至於體例之當否文質之適宜修辭之工拙以俟後之君子余不敢下斷語焉

峇

民國十七年歲次戊辰小陽月沙縣縣長沈溪梁伯蔭謹撰

增修沙縣志序

史者紀一代之書也惟司馬氏之史記起於五帝迄於西漢上下數千年凡事具載與後代各史繁簡不同若夫郡縣之志雖不比史記義例之嚴而土地人民政事述其既往續其方來猶是史記之古今包舉也沙志自清道光甲午十四年一修迄今近百年矣此百年中土地必有盛衰也人民必有增耗也政事必有張弛也他如天時人事文章風俗必有變遷與轉移也志曠不修後奚徵證哉民國丁巳六年縣知事曲公建章繼任知事田公景文奉檄修志交轄於林君紹唐官君舜階林君希唐諸人同任編纂亦濫竽其間甫踰年南軍圍城志局停辦所編稿本及其半而悉爲屯兵所燬九年知事馬公準光重開志局仍聘前人從新纂修歷一寒暑卷帙已成十之六七又因地方多故經費不敷而停止延至七年幸逢沈溪梁公少棠來長吾邑視篆二載善政多端公餘訪及邑乘知前修者尙未完帙亟欲籌款而續成之而是時林君紹唐已歸道山吳梁公乃自肩監修之任改委涵爲總纂翁君煥蟾爲副纂其協纂則官君舜階林君希唐徐君佑商吳君幼華也涵鹿鹿凡材安敢任修明之重然左傳之作必據有春秋漢史之編必本諸國策茲志之修不過仍道光舊志於煩者簡之訛者正之闕者補之新者

增之而已若篇目則悉遵憲頒福建省各縣志通用凡例與舊略有不同夫自年闕典經兩度之纂修而竟輟增四月之編輯而告竣添篋成山合尖成塔固賴同人分擔之力實荷梁公籌助之功也雖採訪有未周紀載不無遺漏而概略已具後之君子有繼起而增訂者得是編或亦可資採擇歟是爲序

中華民國十七年歲次戊辰孟冬月

清江進士邑人羅克涵謹撰

增修沙縣志序

邑之有志猶國之有史也其疆域大小不同其範圍廣狹不同而其足以備考證資觀感端風化正人心義則一也國不可一日無史邑不可一日無志縣志之修烏容緩哉獨是沙志自清道光甲午一修越咸同光宣迄今將及百年其間非無一二賢令尹與一二文學士留意於斯然鄉縉紳諸先生每有志而未逮宰斯邑者或賢或否如傳舍焉簿書錢穀之不暇而暇理此乎民國六年曲令建章繼任田令景文奉令修縣志曾延邑人士開局纂修數年未成間以萑苻擾民軍隊過境守土者方服役征徭之不暇遑問縣志近且舊版被燬藏本亦如碩果僅存再越數十年將百年來之流風餘韻及前此數百年之斷簡殘編恐求之荒烟蔓草中而不可得予可憐已幸而邑侯梁公以丁卯春由延平移長斯邑其時適值軍事旁午民心洶洶未遑作梁公則與黃團長章五張營長登三和衷共濟勦撫兼施匪以殄滅民以乂安既而政簡民清乃進予小子詢沙志經過始末因具道所以梁公慨然曰有是哉及余身而不修後將誰責哉爰命予小子籌備進行刻期舉事予自顧學殖荒落作志又非所長懼無以報命但感公知遇安敢不奮發刻勵以副所知爰即曉夜籌備就緒於戊辰八月一日延邑之文學先進羅

師詠初等開局纂修羅師等亦不辭勞瘁昕夕校讎善者因之陋者汰之譌者正之繁者刪之
缺者補之窮四閩月之力而志成嗚呼向之數十百年而未修者前之縉紳先生有志而未逮
者前之有司傍徨而未暇者經梁侯一投足一舉手之勞頓使千百年之聲靈文化數百里之
山川民物長留在天壤間垂千百年而不朽後之讀斯志者當知賢侯之功亦與斯志共垂不
朽云

峇

民國戊辰十七年小陽月前沙縣教育會長里人翁能輝謹識

凡例

一 縣誌宋元並闕初輯於明嘉靖丙申再輯於乙巳至萬曆辛卯乃合先後志重刪之爲考十其目六十有五清康熙辛巳重修從府志例統以十二綱每綱之下有目悉以其類屬焉道光甲午復加修訂仍準舊志而綱目悉增共綱二十目一百五十有二今則依新頒福建省各縣志通用凡例屬人民部者稱傳屬土地政事部者稱志於舊志事文中自合纂者有分訂者有增錄者有改編者計分三十七門間亦有目

一 舊志有方輿有疆域今則合而爲一統名地理志附以圖表而另纂緯候表於首以紀本縣所屬之經緯度以及寒暑氣候各節氣日出入時刻

一 兵事舊志載在祥異一門今仿春秋編年紀月之例改纂大事志而災祥變異之事仍附焉

一 溝渠陂塘橋梁閘閘等俱屬水利舊志混列於山川志中今悉爲分出另纂一水利志

一 城池街市舊志統於疆域志中今疆域志改爲地理志而城池街市等則另行分出增纂城市志

一 公署壇廟學校書院會館均表育嬰堂義冢之類皆建築也而舊志統入於經政志中今刪經政志更纂建築志焉

一 舊志有古蹟一門今改稱為名勝志

一 戶口舊無專志僅統於田賦志中今田賦志加入稅則改名賦稅志其支出者另編為度支志而戶口則另纂一志焉

一 物產志仍舊志編入

一 度支志重紀出款舊志所無今照福建各縣志通用凡例增之

一 舊官師志今改為職官志

一 舊志原有學校一門選舉一門而所載者僅儒學書院各種科目今學校志則增錄各種學堂選舉志則增錄各種畢業考試各諮議局各議會選舉所有各種題名

一 近年推行各新政為舊志所無者如武備則有勇營練官各營制以及新軍械實業則有農工商礦各學堂各局廠交通則有郵電航路各局所各學堂刑法則有各等級檢察廳審判廳各拘留所各改良監獄外交則有通商傳教各交涉凡為吾邑所未有者

今皆分纂為志無者闕之

禮俗舊無專志今依新例增之

賑濟有舉救生之類皆惠政也舊志僅附於經政門今另編惠政志

舊志三之一門今改名詞記志

藝文一志如建置則有記行政則有奏議題詠則有詩舊志無不錄之今仿讀書經籍志例但分部彙錄其書之名間加提要不錄零篇詩文其有名人記序詩詞足資考訂者節錄於各建置各行政各名勝之下餘概不錄

金石志照舊編纂

舊志人傳一門標目凡十有三今改纂列傳凡名臣宦績理學武功四類俱入焉其傳狀文苑德行舊名義行孝友方技流寓高士舊名方外仙釋忠義舊名忠烈則皆分纂為傳以便觀覽

舊志政經今改名循吏傳

列女傳照舊志凡賢媛才媛節孝貞烈有事實者並登於冊其節烈而無事可立傳者題名列後焉